

զարջրեր և Թիրիքեարտ հայ ու պարսիկ խառն են, իսկ մնացեալները զուտ պարսկաբնակ են:

Ազգաբնակութեան մեծամասնութիւնը կազմում են պարսիկները, լետոյ լուերը և ապա հայերը, որոնք ամբողջ գաղթականներ են. գաղթել են ըստ աւանդութեան Հին—Ջուղայից, Բլուր, Արցխա, Սոյ գիւղերից և Հայաստանի այլ տեղերից 1606 թւին, Եաս-Աբբասի ձեռքով: Այժմ ընդամենը՝ 1789 տուն են. 7058 արական, 6392 իգական. ի միասին՝ 13,450 հոգի: Այդ հայերն իրենց բարքերով, լեզուով, կրօնով տարբերուում էին, ի հարկէ, Փէրիալի բնիկներից, բայց նրանք հետզհետէ, տարիների ընթացքում, ազգւել են շրջապատողներից, ընդօրինակել են նրանց սովորութիւնները, նիստ ու կացը, միանգամայն կերպարանափոխել նոյնիսկ արտաքինը՝ նրանց (պարսիկների) նման են հագնուում, ածելուում և խուզուում (գլուխների գագաթին թողնում են մի փունջ քաքուլ): գրեթէ ոչնչով չեն տարբերուում: Միակ բանը, որ մնացել է, այդ կանացի տարազն է, կրօնը և մայրենի լեզուն:

Սօսուում են շատ մաքուր և պարզ արտասանութեամբ. բարբառը մօտ է Արարատեան բարբառին:

Սարակսէրիսիկա (բլոյթսագրութիւն, յասկանիս): Փէրիացիք առհասարակ քաջ, տոկուն, աշխատասէր և չարքաշ ժողովուրդ են. բնաւորութեամբ աշխոյժ, հիւրասէր, կրօնամոլ և եկեղեցասէր, իսկ վարք ու բարքով մաքուր և պարզ, բայց և նոյն ժամանակ վերին աստիճանի տգէտ ու նախապաշարւած:

Կազմւածք: Ընդհանրապէս առողջարար կլիման, հիանալի ջուրը, տեղի դիրքը և մաքուր օդը բնակիչներին շատ լաւ կազմւածք է շնորհել: Տղամարդիկ քաջառողջ, ամրակազմ, մեծամասնութիւնը բարձրահասակ ու լաղթանդամ են. ունեն բարձր ուսեր, լայն թիկունք, դուրս ընկած և լայն կուրծք, հաստ և ուժեղ բազուկներ ու մատներ, իսկ աչքերը սև և խոշոր են, մազերն նոյնպէս սև: